

Latit.
Gr. Scr.

Longit.
Gr. Scr.

6 INDEX GEOGRAPHICUS.

		tatus est in Ierusalem, & mortuus est .. & universus Iuda, & Ierusalem luxerunt eum, v. 25. maximè Ieremias.
		Adama, Urbs in Pentapoli. V. Sodoma.
33. 0.	67. 52. $\frac{1}{2}$	Adami quæ & Neceb, Josue 19. v. 33. inter Urbes Tribus Nephthali, habet Adami, quæ est Neceb, & utriusque nominis nulla amplius mentio.
30. 57. $\frac{1}{2}$	65. 46.	Adar villa dicitur in limite meridiano Terræ promissæ, & inter Cadesbarne, quæ in deserto, & Haseмона, quæ in Tribu Iuda, Numer. 34. v. 4.
32. 7.	66. 32. $\frac{1}{2}$	Adarsa, Adazer Urbs vel locus in Tribu Ephraim. In Adarsa Iudas Machab. applicuit cum tribus millibus Viris contra Nicanorem, qui castra habebat ad Bethoron, commissâque pugnâ Nicanoris castra contrita sunt; ceciditque ipse (Nicanor) primus in prælio, 1. Machab. 7. v. 39. & seq. & persecuti sunt eos ab Adazer usque quò veniatur in Gazara, eod. cap. v. 45.
31. 30.	66. 27.	Adassa. V. Hadassa.
29. 30.	76. 30.	Adbeel tertius est filiorum Ismaëlis: nominaturque inter Cedar, & Mabsam. Gen. 25. v. 13. & 1. Par. 1. v. 29. Ipsi ergo posterisque locum dedimus in Arabia inter Ismaëlitas. V. Ismaëlita.
32. 5.	66. 40.	Addus. 1. Mach. 13. v. 13. Simon (Machabæus frater Jonathæ) applicuit in Addus contra faciem campi. v. 14. & ut cognovit Tryphon, quia surrexit Simon loco Jonathæ, &c. pacem simulat.
31. 44.	66. 5.	Adiada Urbs, quam ædificavit Simon Machabæus in Sephela: & muniavit eam, & imposuit portas & seras, 1. Machab. 12. v. 38. nec ea longè à Modin patria Machabæorum.
31. 42.	66. 7. $\frac{1}{2}$	Adithaim duodecima est secundæ partis Tribus Iuda: & inter Saraïm, & Geder, Josue 15. v. 36.
31. 33.	66. 52.	Adomin, vel Ascensus Adomin in Tribu Benjamin, & in confinio Tribus Iuda, nec longè à Iericho, locus est latrocinii, & homicidiis infamis; & de quo Lucas 10. v. 30. & seq. Homo descendens ab Ierusalem in Iericho, incidit in Latrones, qui eum spoliaverunt, & plagis impositis semivivum reliquerunt: Sacerdos autem, tum & Levita, qui eadem viâ tranfibant, illo viso, præterierunt: sed Samaritanus iter faciens, misericordiâ motus, alligavit ejus vulnera, & curam egit.
		Adrach. V. Edraï.
31. 32. $\frac{1}{2}$	66. 8.	Adullam-Socho, sic legimus, Josue 15. v. 35. ut Urbium numerus sit quatuordecim in hac secunda parte Tribus Iudæ; eaque describitur inter Jerimoth, & Azeca. Regiaque fuit, Josue 12. v. 15. Rex Odullam unus. Odullam etenim, & Adullam scribitur. Vide Odullam.
14. 0.	79. 30.	Audurem, quintus filiorum Jectan. Genes. 10. v. 27. Hujus posteris locum damus in Arabia foelici. V. Jectan.
31. 10.	65. 10.	Ægypti Torrens, de quo Numer. 34. ubi de limitibus Terræ promissæ, v. 5. Ibitque per gyrum terminus ab Asemona usque ad Torrentem Ægypti, & Maris magni littore finietur, & Josue 15. ubi de limitibus Tribus Iudæ v. 47. Gaza cum vicis, & villulis suis, usque ad Torrentem Ægypti, & Mare magnum terminus ejus, 2. Par. 7. v. 8. Fecit Salomon solemnitatem in tempore illo septem diebus, & omnis Israël cum eo, Ecclesia magna valdè, ab introitu Emath, usque ad Torrentem Ægypti: hoc est, ab una extremitate Terræ promissæ ad alteram. Torrens hic aliquando vocari videtur fluvius Ægypti, Genes. 15. v. 18. Dominus Abrahamo dicit: Semini tuo dabo Terram hanc, à fluvio Ægypti ad fluvium magnum Euphratem.
28. 0.	62. 0.	Ægyptus Libyæ sive Africæ regio nobilissima, fertilissima, nec longè à Iudæa, Meridiem inter & Occidentem. Genes. 12. v. 10. Descendit Abra-